



UNIVERSITÄTS-
BIBLIOTHEK
PADERBORN

**Principia Juris Canonici : Ex Libro ... Decretalium Gregorii
IX. Pontificis M / Antehac In Alma & Archi-Episcopali
Benedictina Universitate Salisburgensi**

König, Robert

Salisburgi, 1725

VD18 80460526

22. De Fidejussoribus.

[urn:nbn:de:hbz:466:1-61800](#)

TITULUS XXII.

De Fidejussoribus.

SUMMARIA.

1. *Etymologia fidejussionis.* 2. *Eius definitio.* 3. usque
8. *Divisio.* 8. *Origo.* 9. usque 14. *Quinam fide-
jubere prohibeantur.* 14. usque 17. *Cui obligationi
accedere possit fidejussor?* 17. *Ad Fidejussorem re-
quiritur stipulatio.* 18. 19. *Convenientia cum de-
bito principali.* 20. *& ut debitum principale re-
maneat.* 21. *Quinam sit finis fidejussionis.* 22. &
seqq. *Quinam effectus?*

Pignori affinis est fidejussio, & idcirco hoc
loco titulus iste subjicitur.

§. I.

1. Vocabulum fidejussionis non simplex, sed
compositum est derivatum à fide, & jussio, eo
quod fidejubens, seu fidejussor suā fide alium
jubeat, rem, vel pecuniam credere per l. 60.
§. 1. ff. *Mundati.* Germanicè dicitur ein
Bürgschaft.

§. II.

2. Definitur fidejussio, quod sit stipulatio, seu
conventio, quā quis pro alieno debito fidem
suam interponit, Debitorē principali nihil
minus manente obligato. pr. *Inst. h.t. l. 65.*
ff. *Eod.*

§. III.

3. Dividitur fidejussio I. in necessariam & vo-
luntariam. *Necessaria* dicitur, quā à Lege,
vel Magistratur exigitur. Cujus exemplum
extat in l. 13. ff. *de Usufr.* & usus adhuc hodie
obtinet, præfertim si de eo, quod intererit in
futurum, cautio interponatur, cūm hoc sit in-
certum, adeoque de eo per pignora, quorum
certa est aestimatio, commodè caveri nequeat.
l. 7. ff. *de Sipul.* *Prator.* *Mevius p. 3. dec. 238.*
Voluntaria econtra est, quā talem exactionem
non habet. *Gloss. in l. 7. §. 1. ff. Qui satisd.*
cog. *Treutl. vol. 1. disp. 5. th. 1. lib. h.*

4. II. Dividitur in fidejussionem judicialem,
quā in judicio; & extrajudicialem, quā extra

judicium fidejussor constituitur. Illa pro-
priè *satisfactio* appellatur, sive *idonea causa*:
& fidejussor ipse, si caveat de judicio sibi
vas, si de judicato solvendo, *pres nuncupatur*. *Vinn. ad pr. Inst. h.t.* Hæc generis no-
men retinet, & in contractibus potissimum
adhibetur.

III. Dividitur fidejussio in principalem, &
succedaneam. *Principalis* est, quā fide-
jussor se obligat pro Debitorē principali l. 27.
§. 2. & 4. *h.t.* *Succedanea*, quā fidejussor
pro fidejussore intercedit. l. 8. §. fin. ff. *Eod.*
Cujusmodi fidejussor succedaneus, ein Bürg
Bürg salutatur.

IV. Dividitur in fidejussionem simplicem, &
indemnitatis. *Simplex* est; quā quis pro
debito se simpliciter obligat, & promittit sol-
vere Creditori, quod alius ei debet. *Fidejussio
indemnitatis* verò, quā quis in residuum atque
in eum demum casum se obligat, si debitum
suum integrum Creditor conequi non possit.
l. 21. ff. *de Solut.* l. 116. ff. *de V. O.* Inver-
acula *fidejussor indemnitatis* indigitatur ein
Schadlos Bürg.

V. Dividitur in fidejussionem idoneam, &
non idoneam. *Idonea* est, quā per fide-
jussorem idoneum satis cautum est Creditori
de receptione debiti; id quod estimatur ex
duabus, nempe ex facultatibus fidejessoris, &
conveniendi facilitate. l. 2. pr. ff. *Qui satisd.*
cog. Facultates tantæ sint, oportet, ut inde
Creditor probabiliter possit servari indemnis-
arg. l. 4. ff. *Uts in possess. legat. vel fideicom.*
& l. 114. ff. *de V. S.* Facilitas verò convenien-
di eō pertinet, ne fidejussor sic fortè diversa
foro Creditoris: ne sit rixosus, litigiosus, po-
tentior, ac talis, qui Creditori difficultem red-
dat persecutionem juris sui: ne denique sit è
numero eorum, quibus de jure competit ex-
ceptio contra fidejussoram obligationem, aut
lesione probata restitutio. l. 8. §. 1. ff. *Eod.*
Gail. 2. obser. 27. n. 25. Ex quibus facile

intelligitur, quæ fidejusso sit non idonea, ita ut à Creditore licet recusari possit, nempe si fidejusso non sit satis locuples pro quantitate rati debita, aut saltē difficilis conventu.

§. IV.

Causa efficiens fidejussionis alia est remota, alia proxima.

Remota est jus, partim civile Romanum, partim consuetudinarium. Civile Romanum quidem, quia eo jure ad essentiam fidejussionis requiritur stipulatio, sive verbalis interrogatio, & responsio; puta, ut Creditor fidejusso rem interroget: *fide tua salvum esse iubes, quod Tius debet?* & fidejusso iisdem verbis repetitis, vel saltē æquivalentibus, se fidejubere respondeat. L. 75. §. 6. ff. de V. O. l. 16. fin. l. 42. & passim. ff. b. t. Consuetudinaria, quatenus universalissimā consuetudine Germaniae confusa sunt stipulationum, & pactorum iura, neque minus pacta, quam stipulationes ligant, ideoque & fidejusso hodie nudo pacto, nullā interrogatione præcedente, & sine ulla solennitate verborum, imò etiam inut abset, & per litteras fieri potest. Carpz.

In Iuri pr. forens. p. 2. conf. 19. def. 17. Joh. Pet. het. ad Inst. dissert. 20. posit. 24. Georg. Widman. de Contract. tit. 7. n. 11. Clariss. D. Frid. Ernest. à Someing. ad Inst. b. t. n. 9.

Præxima est fidejusso, qui ad majorem creditoris securitatem pro debito principaliter obstringit, ut obligatio principalis nihilominus duret, & salva permaneat. Possunt autem fidejubere, qui solenni stipulatione, aut (de consuetudine) pacto se obligare possunt, exceptis quibusdam personis, quibus iure specialiter interdictum fidejusso.

10. I. Enim fidejubere prohibentur Clerici, ne se ipsos forsitan alieno gravent cum dedecore statutus clericalis, & damno Ecclesiæ. c. 1. h. t. Id, quod procedit de abuso, & indiscreta, ac nimia frequentia fidejussionis, prout fasiliquet ex d. c. 1. ubi statuitur, ut Clericus

fidejussionibus *in servienti absicciatur*, hoc est, deponatur: particula enim *in servienti* frequentiam actuum denotat. Pirrhing. ad h. t. §. 2. n. 16. Igitur Clericus in uno, vel altero casu, præsertim necessitatis, pietatis, vel charitatis v. g. pro Ecclesia, vel alia persona Ecclesiastica, aut etiam pro Laico egeno fidejubere, & sua propria bona (non item Ecclesiæ. c. 2. de Solut. nisi omnino manifestè cedat in utilitatem Ecclesiæ) obligare poterit. Barb. ad d. c. 1. n. 2. Imò si necessitas magna & manifesta sit, non tantum licet posse, sed etiam teneri Clericum alteri Clerico, vel Ecclesiæ subvenire fidejubendo, rectè docet Glossa in c. penult. h. t. arg. c. non satis. dist. 89.

II. Magis adhuc fidejubere prohibentur Religiosi etiam in dignitate constituti. c. 4. h. t. c. 2. de Solut. ita quidem, ut si Religiosus inferior defacto fidejussisset absque Abbatis & majoris Capituli consensu, nec ipse Religiosus, nec Monasterium obligetur. Idem est de Prælato, si debitas solennitates non adhibeat, & debitum, pro quo fidejussit, sit in notabili quantitate. d. c. 2. de Solut.

III. Prohibentur fidejubere Milites, quia forensium negotiorum occupatio eos à militare studio avocare non debet, ne dum militandum est, exactiōibus divexentur. l. miles. & ibi Glossa. C. Locati. Utrum autem hoc idem privilegium competat nostri temporis militibus? rationem dubitandi mutatio militaris disciplinæ suppeditat. Et sanè benignius est, ut eis quoque concedatur ex identitatis ratione, arg. l. 32. ff. Ad legem Aquil. cum ferme major cura & diligentia ad hodiernum bellandi morem requiratur, majusque immineat periculum.

IV. Senatusconsulto Vellejano ob imbecillitatem voluntatis, & lubricum consilii à fidejussionibus arcentur mulieres. tot. tit. ff. & C. ad Scutum Vellejanum. l. 3. l. 40. ff. h. t. ita ut sive defacto expressis fidejubeant verbis,

five

sive etiam re ipsâ pignus pro alio tradant Creditori, sive alio quounque modo ex cogitabili pro alio se accessoriè obligent, ne quidem in conscientia teneantur. Senatu totam obligationem improbante, l. 16. §. 1. ff. ad Sctum Velleian. & si ex tali intercessione aliquid solverint, non tantum in foro externo, sed etiam interno condicere, seu repetere possint. l. 8. §. 3. & l. 9. C. Eod. l. 40. ff. de Condict. indeb. Novel. 134. c. 8. Molin. tr. 2. de J. & J. disp. §49. n. 2. Haunold. tr. 9. 6. I. controv. 7. n. 116. nisi super beneficio istius Scti per Notarium, vel Assistentem certioratae eidem renuntiaverint, ac fidem suam interpoluerint, juxta regulam. l. penult. C. de Pactis & l. fin. §. 4 ff. ad Sctum Velleian. Fachin. lib. 2. controv. c. 59. Gail. lib. 2. obseru. 77. num. 3. P. Engel h. t. n. 8. Imò & in illustribus mulieribus, quæ ipsæ regni & territorii præsunt, & maiestatem, vel regalia habent, cessare Sctum Velleianum, adeoque mulieres illustres efficaciter fidejubere, docet Tabor in not. ad Colleg. Argent. h. t. th. 5. Alios causas exceptos dabit P. Engel. cit. n. 8.

§. V.

14. *Materiam, seu objectum fidejussionis constituit obligatio aliena; circa quam Ulpianus in l. 1. ff. b. t. hanc regulam tradit: omni obligationi fidejussor accedere potest.*

Nec refert I. sive obligatio illa sit naturalis, sive civilis tantum, sive mixta. §. 1. Inst. l. 7. l. 16. §. 3. l. 35. ff. h. t. Excipitur obligatio dotis; quatenus pro dore conservanda, aut restituenda constante matrimonio à marito non tantum non exigi, sed ne quidem dari, aut ultrò offerri possunt fidejussores l. 1. & 2. C. Ne fidejussores dotum dentur, & ibi Perez. n. 3. Fachin. 8. controvers. 76. Bachov. ad Treuil. vol. 2. disp. 7. th. 4. tit. 16. Ratios addit Imperator, ne causa perfidiae generetur in connubio; quod utique fieret, si uxori plus fidei alienæ, id est, fidejussoris extranei

tribueret, quām ipsius mariti, cui tamenterpus, & vitam creditit. Harprecht Inst. b. t. 1. n. 8. Quod limitatur, si extraneus dotem dederit pro muliere cum obligatione eam sibi reddendi soluto matrimonio: is enim recte exiget fidejussionem, ex quo non extat prohibito, cessatque ratio prohibitionis, cum differentia tali casu non sit penes mulierem, sed penes extraneum. Perez. loc. cit. n. 5. Molin. de J. & J. disp. 425. n. 2. Quin imò ex hac causa recte fidejussores peti à marito, si vergat ad inopiam aut periculum sit prodigia dotis, putat Gail. 2. observ. 84. n. 10. Panorm. c. per vestros. de Donat. inter vir. & uxer.

Nec refert II. sive obligatio illa sit præsens, sive futura. §. 3. Inst. l. 4. l. 6. §. 2. l. 38. §. 1. l. 57. ff. h. t. Quærenti autem, quo modo futuræ fidejussor adhiberi possit, cum fidejussio sit essentialiter accessoria, accessoriū autem non præcedat, sed sequatur suum principale? Respondeo, fidejussionem, quando accedit obligationi futuræ, resolvit in conditio- nalem, seu interim in pendentī esse, donec ponatur obligatio principalis. l. 35. ff. de Judiciis; hac vero positā fidejussio evadit abso- luta, & sic posterior obligatio principalis tā non positā fidejussio evanescit. l. 16. §. 5. l. 57. ff. h. t. Clariss. D. Frid. Ernest. à Someting, ad Inst. b. t. n. 9.

Nec refert III. sive obligatio illa ex con- tractu, sive ex delicto descendat l. 8. §. 5. l. 56. §. ult. l. 70. §. fin. ff. h. t. sed ita demum, si ex delicto agatur civiliter, aut criminaliter quidem, sed ad multam pecuniariam: sine dubio ideo, quia fidejussio his casibus præstat expeditiorem persecutionem poenæ, que utrum solvatur ab ipso reo, an vero à fidejusso- re non potest interesse actoris, aut fisci, arg. l. 23. & 53. ff. de Solut. Schneidew. ad §. 1. Inst. b. t. num. 8. contra Marant. in spec. p. 6. tit. de interrog. & satisfact. n. 10. Hypol. de Marfil. in Pr. crim. §. attingam. n. 3. & seq. Secūs

Secus est, si agatur ad pænam ultimi supplicii, aliquam corporis afflictivam: nam hic pœna suos debent tenere authores per l. 6. §. super his. C. de Appellat. & nemo potest se obligare ad pænam corporalem sustinendam, pro alio, siquidem nemo membrorum suorum est dominus. l. 13. ff. ad leg. Aquil. Covar. l. 2. var. resol. c. 18. n. 8. Nec officit l. 1. 2. & 3. ff. de custodia reorum, quæ ianuunt, quasi etiam pro delinquentibus in gravibus criminibus fidejussores interponi valeant: etenim illud saltem est ad evitandam carceris molestiam, ut si non fliterint fidejussores reum, ipsi vel pecunia fidejussionis ergo promissa cadant, vel si elabendi occasionem accusatis suppeditaverint, extra ordinem graviter plestantur per l. 4. C. de custodiareorum.

§. VI.

¹⁷ Forma fidejussionis consistit in stipulata promissione ejus, quod alius debet, debitore nihilominus manente obligato. l. 6. §. ff. l. 5. C. b. t. Tria itaque concurrent, necessum est, ut sua fidejussioni constet indeles.

I. Intervenire debet stipulata promissio: nam, ut supra n. 8. insinuavimus, jure Romano fidejusso non aliter valet, quam contracta per stipulationem per l. 12. C. h. t. Intervenire autem præsumitur stipulatio, quando scriptum reperitur, fidejussum esse, eò quod solennitas extrinseca semper præsumatur. §. fin. Inst. b. t. l. 14. C. de contrah. stipul. Nec interest quacunque lingua fidejubetur, modo alter alterum intelligat. §. 7. Inst. b. t. etiam per Interpretem: arg. l. 1. §. 6. ff. de V. O. & inter præsentes fiat. d. §. fin. Inst. b. t. Sola tamen commendatio, vel affirmatio, aliquem esse locupletem, & solvendo existere, fidejussionem non inducit, nec obligat commendantem, cum aliud sit commendare, aliud mandare. l. 12. §. 12. ff. Mandati. Gomez var. resol. lib. 2. c. 3. n. 5. nisi inidoneum

KÖNIGIN DECRET. LIB. III.

Tutorem tanquam idoneum commendavit. l. 4. §. ult. ff. de fidejuss. aut dolo malo alterum solvendo esse affirmaverit per l. 7. §. 10. ff. de Dolo malo. l. 19. ff. de AEdil. edict.

II. Fidejussor in id ipsum obstringi debet, ¹⁸ quod Principalis continet obligatio: non in plus re, tempore, loco, aut causâ. §. 5. Inst. b. t. l. 8. §. 7. ff. Eod. Rationem reddit Imperator in d. §. 5. quia cum obligatio fidejussoria sit accessio obligationis principalis, non potest utique plus in accessione esse, quam in principali. Potest tamen fidejussor obligari in minus, & causam leviorem per *jura cit.*

Acris, ac vehemens DD. *disputatio* est: an ¹⁹ si fidejussor in majorem summam se obligabit, tota fidejussio inutilis sit, vel saltem ad concurrentem summam debiti principalis sustineatur?

Prima sententia est, totam fidejussionem nullam esse. Ita Fachin. lib. 8. *controv.* c. 51. cum pluribus ibi citatis, propter textum in d. l. 8. §. 7. ff. b. t. ibi: *illud commune est universis, qui pro aliis obligantur; quod si fuerint in duriorem causam adhibiti, placuit, eos omnino non obligari.* Si hoc? ergo neque tenentur in summam concurrentem: nam *omnino non* idem est, ac *planè non*, vel *prorsus non*. Accedit, quod ejusmodi fidejussio æquiparatur cum ea, quam fidejussor purè promisit, quod principalis debet sub conditione, quam tota inutilis est.

Alter a sententia contendit, valere fidejussionem saltem quoad summam concurrentem, seu eam quantitatem, quæ respondet debito principali. Ita Perez ad Cod. b. t. n. 16. Zoël. ad ff. Eod. n. 9. Gomez lib. 2. Var. resol. n. 2. Molin. de J. & J. diff. § 41. n. 3. & alii, quibus accedit Clariss. D. Frid. Ernest. à Someting. ad Inst. b. t. sub n. 3. propterea: quia primo, qui sit pulanti *decem* promittit *viginti*, obligatur saltem in *decem*, cum de en- sis int. *viginti*, & summa minor majori. l. 1.

Dd

§. 4.

§. 4. ff. de V. O. Ergo pariter fidejussor promittens maiorem summam creditori, quam ei debeatur, obligabitur saltem quoad summam concurrentem, siquidem fidejussio est species stipulationis. Secundo: quia quandoconque plus promissum est, quam oportuit, non tota obligatio, sed superfluum infirmatur. l. 18. ff. de V. O. l. 11. & 12. ff. de Constit. pecun. l. 3. §. ult. l. 4. l. 33. ff. Mandati. l. 61. ff. de Jur. dot. l. 34. C. de Donat. ergo idem obtinet in fidejussione: quippe & in hac utile per inutile vitiari non debet per c. 37. de R. F. in 6. III. Quia alii intercessores, veluti constitutores, & mandatores, pro majori summa, intervenientes obligantur ad summam concurrentem., d. l. 11. ff. de Constit. pecun. & l. 33. ff. Mandati. non obstante, quod d. l. 8. §. 7. ff. h. t. loquatur de universis, qui pro aliis intercedunt, eosque in duriorem causam obligari posse neget; ergo & fidejussores tenebuntur.

Et ex his patet responso ad d. l. 8. §. 7. præterquam enim, quod ibi verba: omnino non obligari, idem significant, ac non omnino, id est, non in solidum. arg. l. 3. ff. Qui satis. cog. l. 10. pr. ff. Quib. mod. pign. vel hypoth. & l. 11. ff. de Legat. I. distinguendum etiam est inter causam, quæ admittit separationem, & quæ non admittit: quotiescumque causa admittit separationem, ut puta, si quantitas debeatur, toties fidejussor in duriorem causam acceptus pro concurrente parte obligatur; quotiescumque vero non admittit separationem, ut puta, si debitore principali sub conditione obligato fidejussor pure promittat, toties fidejussor planè non obligatur. Cur tam varie? quia posteriori casu planè aliam, & diversam subiret obligationem fidejussor, cum pura obligatio non insit conditionali, ut obligatio summa minoris obligationi summae majoris.

Porrò licet fidejussor secundum dicta in duriorem causam non obligetur, quam ejus principalis, arctius tamen obligari eum, nihil

implicat, atque hoc præcipue contingit, cum fidejussor vel intervenerit pro eo, qui tantum naturaliter tenetur, & contra quem non habet excussum mandati actionem: l. 25. ff. h. t. vel se obligat sub hypotheca, & pignore ipso principali non obligato, nisi personaliter; Faber ad §. Fidejuss. Inst. h. t. vel denique obligacioni suæ poenam aliquam adjicit, quam non promisit principalis: Gloss. sing. in l. 65. ff. h. t. vel per instrumentum garantiarum, seu paratae executionis se obstringit.

III. Fidejussor ita obligari debet, ut principalis debitor nihilo minus maneat obligatus. l. 4. §. & 23. C. h. t. quo fidejussio discernitur ab expromissione, per quam aliena obligatio ita suscipitur, ut debitor prior omnino liberetur, ipse vero expromittens evadat debitor principalis. l. 7. §. 8. ff. de Dol. mal. & ibi Cujac. l. 4. ff. de condit. causâ dat.

§. VII.

Finis fidejussionis ex parte creditoris, si securitas crediti, ut diligentius creditor iudicatum sit. pr. Inst. h. t. l. 1. §. 8. ff. de Oblig. & act. ex parte vero debitoris, ut ei faciliter credatur.

§. VIII.

Effectus fidejussionis est vel proximus, vel remotus.

Proximus est obligatio fidejussoris ad solvendum, quod tempore fidejussionis in obligatione principali fuit, sive fors sit, sive usura: & quidem ad id tantum. l. 68. §. 1. ff. l. 10. C. h. t. l. 8. C. Quod cum eo, qui in alien. prob. est. Ad illud, quod primum post contractam fidejussionem ex mora debitoris, culpave obligationi principali accessit, fidejussor non obligatur. l. 8. ff. de Eo, quod certo loco. l. 14. pr. ff. Locati d. l. 68. §. 1. ff. h. t. nisi universaliter & in omnem causam acceptus sit per leges citatas: ferat enim sibi acceptum fidejussor, quod ab initio hanc legem contractui dixerit. Certè perpetuari, & continuari fide-

fidejussoris obligationem propter debitoris moram, ulcro fatearis, oportet, propter l. 49, & 88. ff. de V.O. l. 58. §. 1. ff. b.t. quare si per moram debitoris principalis res debita pereat, tunc sicut ipse debitor principalis non liberatur, sed ad aestimationem tenetur, ita pariter fidejusso, quamvis ipse in mora non fuerit. l. 80. §. 1. ff. de Usur.

13. Effectus remotorum fidejussionis est actio inde competens: nempe *actio ex stipulatu*, si stipulatione; *condictio* vero, aut *actio ex moribus*, si pactio nudo fidejussum sit. Circa utramque hanc actionem.

14. Quares I. Cui detur? & dari creditori, & ejus heredibus. Et olim quidem Creditor ante principalem debitorem fidejussorem, ejusve heredes convenire poterat. l. 2. 3. 5. & 23. C. b. t. hodie vero a Justiniano per *Novel. 4. c. 1. introductum* aut renovatum est *beneficium exsuffosum*, seu *ordinis*. quo fidejusso a creditore convenitus ipsum ad principalem debitorem remittit, ejusque bona, sive facultates *executi*, hoc est, solvendo sint, nec ne? primum inquire, indeque credito satisficeri petit, antequam sibi molestia fiat. d. *Novel. 4. c. 1.* Q. ex excusio adeo rigorosa censetur, ut usque ad facrum, & peram fieri debeat. Jason in §. fin. n. 6. *Inst. de Act.* Hering, tr. de *Fidejussorib.* 6. 27. p. 1. n. 3. & seqq. qui plenâ manu de hocce beneficio agit.

15. Quares II. Contra quem detur actio ex stipulatu, aut condictio ex moribus? & dari I. contra fidejussorem: & si plures fidejussores sint, contra singulos in solidum, ita ut liberum su creditori, a quo velit solidum petere, & eod, quem elegit, non satisfacente, ad alium reverti possit. §. si plures 4. & ibi DD. *Inst. b. t.* l. 3. & 23. C. Eod. conventus tamen ex illis se tueri potest exceptione *divisionis*, seu epistola D. Hadriani ad hoc, ut creditor dividat actionem, & a singulis portionem, seu ratam petat. d. §. si plures *Inst. l. 26. l. 27. §. fin. l. 28.*

ff. b. t. l. 10. §. 1. C. Eod. De hoc Beneficio vide Carpzov. p. 2. *constit.* 17. *definit.* 9. n. 2. & seqq. II. Datur praedicta utraque actio etiam contra heredes fidejussores. §. 2. *Inst. l. 4. §. 1. l. 24. C. b. t.* Et hoc sive heredum mentio facta sit, sive non. l. 13. C. de *Contrah.* & *comit.* *stipul.* & amplius: licet etiam obligatio fidejussoria taxativè concepta fuerit, ut fidejusso *sols* teneatur, vel tantum, vel *duntaxat.* arg. l. 8. §. 4. ff. de *Pignorat.* att. Carpzov. p. 2. *constit.* 20. *defin.* 1. & 2.

Quares III. Ad quid detur actio ex stipulatu, aut condictio ex moribus? & dari ad solvendum id, quod ex fidejussione debitum. Succurritur tamen & hoc casu fidejussori *beneficio cedendarum actionum*, quod in solidum conventus, vel condemnatus solvere non cogitur, antequam a creditore actiones, quas ipse tum contra reum principalem, tum contra confidejussores habet ei cessare fuerint. l. 13. l. 17. l. 36. l. 39. ff. b. t. l. 11. C. Eod. Sine cessione nulla fidejussori solidum solventi competit actio adversus confidejussores. d. l. 39 ff. & l. 11. C. b. t. habet tamen contra principalem debitorem actionem mandati, si eo sciente ac mandante fidejusserit. §. 6. *Inst. b. t.* juncta l. 6. §. 2. ff. *Mandati.* vel negotiorum gestorum, si pro ipso absente, vel ignorante fidejusserit, & realiter solverit. l. 4. ff. de *Negot. gest.* juncta l. 38. *in fin. ff. Mandati.* quodsi vero pro praiente, & vetante, careat omni actione. l. 41. ff. *Mandat.* l. *fin.* C. de *Negot. gest.*

TITULUS XXIII.

De Solutionibus.

SUMMARIA.

1. *Solutionis homonymia.* 2. *Definitio.* 3. *Quo jure facienda?* 4. usque 10. *Quinam solvere possint, aut teneantur?* 10. usque 16. *Quibus solvi possit?* 16. usque 22. *Quid quantumque solvi debent?*

Dd 2

22. 45-